

dužan priložiti sljedeću dokumentaciju u originalu ili ovjerenju fotokopiji, kojom se dokazuje ispunjavanje uslova propisanih ovim Uputstvom i Zakonom, to:

1. Rješenje ili uvjerenje Odjeljenja za boračko invalidsku zaštitu o pripadnosti po Zakonu;
2. CIPS-ova prijava o prebivalištu/boravištu podnosioca zahtjeva;
3. Dokaz Službe za zapošljavanje - Biroa rada;
4. Kućna lista,
5. Uvjerenje iz Porezne uprave FBiH da podnosilac zahtjeva nije prijavljen po osnovu radnog odnosa (ukoliko se na nalazi na evidenciji nezaposlenih lica);
6. Lična izjava podnosioca zahtjeva ovjerena kod nadležnog organa, da nije zaposlen i da ne ostvaruje prava iz radnog odnosa;
7. po potrebi i druga dokumentacija na osnovu koje se utvrđuje ispunjavanje uslova za ostvarivanje prava na zdravstvenu zaštitu shodno odredbama Zakona i ovog Uputstva.

Član 6.

(Rješenje o priznavanju prava na zdravstveno osiguranje)

(1) Po pribavljanju potrebne i uredne dokumentacije iz člana 5. ovog Uputstva, te provedenog postupka za utvrđivanje uslova iz člana 2. ovog Uputstva i Zakona, Odjeljenje prema mjestu podnosioca zahtjeva, donosi i izdaje rješenje o priznavanju prava na zdravstvenu zaštitu.

(2) Po konačnosti rješenja iz stava (1) ovog člana, Odjeljenje po službenoj dužnosti dostavlja prijavu Poreznoj upravi Federacije Bosne i Hercegovine.

(3) U slučaju da podnosilac zahtjeva dostavi Odjeljenje postupa u skladu odredbama Zakona o upravnom postupku.

Član 7.

(Rješavanje u drugostepenom upravnom postupku)

(1) Protiv prvostepenog rješenja kojeg donosi Odjeljenje, može se izjaviti žalba Ministarstvu u roku od 15 dana od dana prijema rješenja.

(2) Rješenje kojeg donosi Ministarstvo je konačno u upravnom postupku i protiv njega se može pokrenuti upravni spor kod nadležnog suda u roku od 30 (trideset) dana od dana dostavljanja upravnog akta stranci.

Član 8.

(Prestanak korištenja prava na zdravstvenu zaštitu)

(1) Nakon što prestanu postojati Zakonom propisani uslovi za ostvarivanje prava na zdravstvenu zaštitu, Odjeljenje će po prijavi ili po saznanju o prestanku uslova za korištenje ovog prava, po službenoj dužnosti donijeti rješenje o prestanku prava na zdravstvenu zaštitu i dostaviti ga stranci.

(2) Odjeljenje po službenoj dužnosti dostavlja odjavu osiguranja Poreznoj upravi Federacije Bosne i Hercegovine.

Član 9.

(Stupanje na snagu)

Ovo Uputstvo stupa na snagu danom donošenja, a objavit će se u „Službenom glasniku Unsko - sanskog kantona“.

Broj:12-02-1912-1/2021

02. februar 2021. godine

B i h a ć

MINISTAR

mr.sci. Ermin Zulić

(Prezime, ime oca, ime podnosioca zahtjeva)

(Adresa podnosioca zahtjeva i kontakt telefon)

MINISTARSTVO ZA PITANJA BORACA I RATNIH VOJNIH INVALIDA USK-a

Odjeljenje za boračko-invalidsku zaštitu _____,

PREDMET: Zahtjev za priznavanje prava na zdravstvenu zaštitu;

Obraćam se kao _____ (navesti pripadnost boračkoj kategoriji sa zahtjevom za priznavanje prava na zdravstvenu zaštitu).

Kratko obrazloženje zahtjeva

Uz zahtjev prilažem (u originalu ili ovjerenoj fotokopiji):

1. Rješenje ili uvjerenje Odjeljenja za boračko invalidsku zaštitu o pripadnosti po Zakonu;
2. CIPS-ova prijava o prebivalištu/boravištu podnosioca zahtjeva;
3. Dokaz Službe za zapošljavanje - Biroa rada;
4. Kućna lista,
5. Uvjerenje iz Porezne uprave FBiH da podnosilac zahtjeva nije prijavljen po osnovu radnog odnosa (ukoliko se na nalazi na evidenciji nezaposlenih lica);
6. Lična izjava podnosioca zahtjeva ovjerena kod nadležnog organa, da nije zaposlen i da ne ostvaruje prava iz radnog odnosa;
7. po potrebi i druga dokumentacija na osnovu koje se utvrđuje ispunjavanje uslova za ostvarivanje prava na zdravstvenu zaštitu shodno odredbama Zakona i Uputstva o načinu, uslovima i postupku za ostvarivanje prava na zdravstvenu zaštitu.

Potpis podnosioca zahtjeva

Shodno članu 5. Zakona o zaštiti ličnih podataka („Službeni glasnik BiH“ broj; 49/06, 76/11 i 89/11) kao nosilac gore navedenih i dostavljenih podataka saglasan/saglasna sam da Ministarstvu za pitanje boraca i ratnih vojnih invalida Unsko-sanskog kantona vrši obradu istih u svrhu realizacije gore navedenog zahtjeva, trajno.